

Mairg neach do-ní dearbháile

[Thomas F. O'Rahilly: *Measgra Dánta I*, poem 18]

Tadhg Ó hUiginn

1 Mairg neach do-ní dearbháile,
fearr Críost ioná gach cara;
mar theagaid na gearrláithe,
teagaid na láithe fada.

2 Mairg neach do-ní a thaisgeadha,
féaghar leat mar atú-sa;
guth beag is é aitheanta -
“Ní thig ní san dorn dúnta.”

3 Barr na coille ceanntruime
gidh lór a threise thuiteas,
féaghar leat, lá Bealtaine,
an géagach dosach duilleach.

4 Mar ránag an caladh-sa
soir go hochras na n-airdtreabh,
níor mhaireastar agamsa
lón aonoidhche dom airgead.

5 Do-chí sin an Saoirbhreachach,
Íosa Críost, ceann an phobail;
seabhadh gléghan Gaoidhealach
do chuir chugainn dár gcobhair.

6 Gidh mór d'fhearaibh sochraide
fuaras ó aois mo leanaibh,
mó do fhuaslaig orainne
Giolla Cuibhneacht Ó Ceallaigh.

7 Ó Ceallaigh, mo chompánach,
cuimseach mé ar an bhfiad bhfaoilidh,
go mbeire buaidh gcomhdhála
ó dheimhnaibh is ó dhaoinibh.

8 An gcéin mhairfeas Éireannach
agus coimhéaltar cairdeas,
madh mise bhus déidheanach,
ní ba hí an mhalaírt mhairgneach.